

Aalajangiiffigisassatut siunnersuut imaattoq Inatsisartut Suleriaasianni § 33 tunngavigalugu matumuuna saqqummiunneqarpoq:

Una pillugu siunnersuut: Imaanut aqqartartut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunanni Namminersorlutik Oqartussat oqaaseqaataat pillugu Inatsisartut aalajangiinissaat
(Ineqarnermut, Sanaartornermut Attaveqatigiinnermullu Naalakkersuisoq)

1. peqqussutip imai

Naalagaaffiup Sinnisaata imaanut aqqartartut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa Søfartsstyrelse sinnerlugu nassiuppaa. Peqqussutikkut tassuuna imaatigut angallannermi annertusisamik isumannaallisaaneq pillugu aalajangersakkat arlallit Kalaallit Nunaanni pissutsit pisariaqalersitaat atortuulersinneqarput.

Peqqussut ilanngullugu nassiunneqartoq allannguutissatut siunnersuutinik makkuninnga imaqarpoq:

- Allagartaqarluni inuussutissarsiorneq pillugu inatsisip, tuniniaasarneq pillugu inatsisip, inuussutissarsiutinik siuarsaaneq pillugu inatsisip aamma Aningaasaqarnermut Inuussutissarsiornermullu Ministereqarfiup suliaasaqarfiani inatsisit allat allanngortinneqarnerat pillugu inatsimmi nr. 364-imi, 13. maj 2009-meersumi § 6, imm. 1-5.
- Qarasaasiakkut pinngitsoorani attaveqatigiittussaaneq il.il. pillugit inatsimmi aalajangersakkat assigiinngitsut allanngortinneqarnerat pillugu inatsimmi nr. 1231-mi, 18. december 2012-meersumi § 62.
- Imarsiorneq pillugu inatsisip aamma inatsisit assigiinngitsut allat allanngortinneqarnerat pillugu inatsimmi nr. 618-imi, 12. juni 2012-meersumi § 2 (“Dykkerråd”-imik atorunnaarsitsineq).

Peqqussut taanna imarsiornermik soqutigisaqartunut tusarniaatigineqarsimavoq. Tamanna peqqussutip allanngortinneqarneranik nassataqarsimanngilaq.

Naalakkersuisut tamanna tunngavigalugu inassuteqaatigissavaat manna Søfartsstyrelsemut nalunaarutigineqassasoq, tassalu imaanut aqqartartut suliaqarneq aqqartartullu atortui il.il. pillugit inatsisip allannguutai pillugit inatsisip Kalaallit Nunaannut atortuulersinneqarnissaanik kunngip peqqussutaa Kalaallit Nunaanni Namminersorlutik Oqartussat akuerisinnaagaat.